

Islamska zajednica u Bosni i Hercegovini
Muftijstvo zeničko
Medžlis Islamske zajednice Zenica

BISMILLAHIRRAHMANIRRAHIM

Pitanja iz Ilmihala 1

(Prvi (I) nivo)

Drugi razred

**Medžlisa Islamske zajednice Zenica
u mektebskoj 1443. h.g. - 2021/2022. godini**

Ševval / zul kade 1443. h. g. /maj /jun 2022. g.

Pitanja iz Ilmihala 1

(Prvi (I) nivo)

Drugi razred

1. Kako glasi prijevod sure IHLAS - KULHUVALLAHU?

Reci: "On, Allah, Jedan je! Allah je utočište svakom! Nije rodio, i rođen nije, i niko mu ravan nije!"

2. Šta je rekao Muhammed, a.s., za suru Ihlas - KULHUVALLAHU?

Muhammed, a.s., je rekao DA OVA SURA VRIJEDI KOLIKO TREĆINA KUR'ANA!

3. Islamski šarti!

Islamski šarti su islamske dužnosti koje je OBAVEZAN IZVRŠAVATI SVAKI PUNOLJETAN MUSLIMAN.

4. Koliko ima islamskih šarta?

Islamskih šarta ima PET i to:

- IZGOVARATI KELIMEI ŠEHADET,
- KLANJATI PET DNEVNIH NAMAZA,
- POSTITI MJESEC RAMAZANA,
- DAVATI ZEKAT I
- OBAVITI HADŽ.

5. Za šta će se prvo odgovarati na Sudnjem danu?

Prvo će se za NAMAZ odgovarati na Sudnjem danu.

6. Šta su namaski šarti i koliko ih ima?

Namaski šarti su uvjeti koje treba ispuniti kako bi nam namaz bio ispravan. Namaskih šarta ima 12 i to 6 prije namaza i 6 u namazu.

7. Koji su prije namaski šarti ili uvjeti prije namaza?

- Da bude čisto tijelo odijelo i mjesto gdje ćemo klanjati,
- Abdest uzeti, po potrebi se okupati ili u nuždi tejemmum uzeti,
- Biti propisno obučen,
- Na vrijeme klanjati,
- Prema kibli se okrenuti i
- Nijet učiniti (zanijetiti)

8. Koji su namaski šarti ili uvjeti u namazu?

- Iftitahi tekbir- početni tekbir,
- Kijam- stajanje u namazu,
- Kiraet- učenje Kur'ana u namazu,
- Ruku- pregibanje preko polovine tijela,
- Sedžda- spuštanje lica na tlo i
- Kade i ehire- posljednje sjedenje u namazu.

9. Kako održavamo čistoću tijela?

Čistoću tijela održavamo: ličnom higijenom, čestim pranjem ruku, pranjem zuba, uzimanjem abdesta, redovnim kupanjem, higijenom u toaletu i uređenjem noktiju.

10. ŠTA JE ABDEST i zbog čega se uzima?

Abdest je vjersko pranje određenih dijelova tijela. Abdest se uzima zbog:

- Klanjanje namaza
- Učenje Kur'ana
- Tavaf (obilazak) oko Kabe

11. Kako se zaniijeti abdest?

NEVEJTU EN ETEVEDDAE LI EDŽLIS-SALATI VE LI REF-IL HADDESI TEKARRUBEN ILLELLAHI TEALA.

12. Kako se uzima abdest?

Abdest se uzima ovako: Proučimo euzu i bismillu, operemo ruke do šaka, isperemo usta desnom rukom, isperemo i ispušemo nos, operemo lice, operemo desnu pa lijevu ruku do iznad laktova, potaremo mokrom rukom najmanje četvrtinu glave (mesh), operemo uši, vrat pa noge do iznad članaka prvo desnu pa lijevu. Nakon abdesta lijepo je proučiti Kelimei šehadet.

13. Koji su abdeski farzovi ili šartovi?

- Umiti lice jedanput
- Opreti desnu pa lijevu ruku do iznad laktova jedanput
- Potrati mokrom rukom najmanječetvrtinu glave (mesh) jedanput
- Oprati desnu pa lijevu nogu do iznad članaka jedanput.

14. Šta kvvari abdest?

Spavanje ili gubitak svijesti makar i na trenutak, oticanje krvi ili druge tekućine iz tijela, povraćanje iz želuca, bilo koja prirodna nuižda, glasno smijanje u namazu.

15. Kakva odjeća treba biti?

Odjeća treba da bude: Čista, uredna, komotna i lijepa, a ne smije da bude: providna, nečista, kratka, tijesna i ne smije imati na sebi slike, posebno ljudi i životinja ili pogrdnih poruka.

16. Kako trebaju biti obučeni muškarac i žena u namazu?

Žensko treba pokriti cijelo tijelo, osim lica, šaka i stopala

Muškarac u nuždi najmanje od pasa do ispod koljena treba pokriti, a bolje je da bude pristojno obučen.

17. Nabroj pet dnevnih namaza ?

SABAH, PODNE, IKINDIJA, AKŠAM i JACIJA.

18. Kada se ne smije klanjati?

- Kada Sunce izlazi
- Kada Sunce zalazi
- I kada je Sunce na sredini neba

19. Šta je EZAN?

Ezan je oglašavanje početka namaskog vremena i poziv na zajedničko klanjanje namaza. Dok se uči ezan zabranjena je svaka priča i potrebno je ponavljati riječi ezana za mujezinom.

20. Šta je KIBLA?

Kibla je smjer kuda se okrećemo prilikom obavljanja namaza.

21. Šta je KABA?

Kaba je Allahov hram koji se nalazi u Mekki u Saudijskoj Arabiji. Kaba je centar prema kojem se okreću svi ljudi u namazu. Kaba je izgradio Ibrahim a.s. sa svojim sinom Ismailom.

22. Šta je GUSUL!

Gusul je obavezno vjersko kupanje punoljetnim muslimanima i muslimankama u određenim prilikama kada su nečisti- DŽUNUB.

23. Koji su gusulski šarti?

Gusulski šarti su tri obavezne radnje kod gusula koje trebamo izvršiti da bi gusul bio ispravan. A to su:

- Izapрати usta (gargara)
- Ispuhati nos (istinšak)
- Oprati čitavo tijelo da nigdje ne ostane suho (gasli vudžud)

24. Šta je TEJEMMUM?

Tejemmum je doticanje zemlje ili zemljine tvari radi simboličkog čišćenja.

25. Kada se uzima tejemmum?

- Kada nemamo vode za abdest ili gusul a trebamo klanjati,
- Kada imamo malo vode a ona nam je potrebna za hranu i piće,
- Kada vodu ne možemo upotrijebiti zbog prljavosti vode, bolesti ili zbog hladnoće.

26. Koji su šartovi ili farzovi tejemmuma?

- Nijet NEVEJTU-TEJEMMUME LI EDŽLIS-SALATI VE LI REF-IL HADDESI TAKARRUBEN ILELLAHI TEALA.
- Dataknuti suhu zemlju ili predmet od zemlje pa potirati lice
- Ponovo dotaknuti suhu zemlju ili predmet od zemlje pa potirati ruke do laktova, prvo desnu pa lijevu.

27. Šta kvari tejemmum?

Tejemmum kvari sve što kvari i abdest i dolazak do vode.